



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Hermannii Conringii De Antiquitatibus Academicis
Dissertationes**

Conring, Hermann

Helmestadii, 1674

Svpplementvm XV. Ad pag. XIX & XX.

urn:nbn:de:hbz:466:1-12929

meretur notari, perperam à Casparo Barthio, fine Notarum ad Aeneæ Gazæ et Theophrastum, illum coævum factum Ammonio Sacæ, quem ipse tradit Commodo imperante vixisse. Omnia enim quæ ibi docet Barthius sunt *ācīsa*: & ipsem in Notis ad Zachariam pag. 243 & 256 demonstrat, intelligendum esse non Sacam Ammonium sed Hermeiæ fil. & Zachariam Basilio ac Nazianzeno esse ju-niorem. Ammonium verò hunc esse eum, excusus dissertationibus suos in Aristotelem commentarios concinnavit Philoponus, liquidum est: non minus atq; hunc Philoponum Heraclio Imperatore adhuc floruisse Alexandriæ. Verissimum igitur est, & Zachariam hunc & Aeneam Gazæum ætate fuisse pares sub finem seculi quinti. Unum autem aliquem sub illis nominibus latere, non equidem dixerim. Etsi enim eruditio non sit dispar, dictio tamen Zachariæ est floridior & diversa.

SUPPLEMENTVM XV.

Ad pag. xix & xx.

Defuisse Athenis Grammaticos magistros vix est verisimile. Quia illud studium ab antiquis usque temporibus inter Græcos, & Marciævo alibi passim fuit celebre.

Politicam cathedram Philosophos tenuisse, fortè non debuit dici. Sanè olim, Aristotelis successorum ævo, Politici Philosophi audierunt illi qui erant ex Peripato. Quoniam tamen, post Aristotelis libros in lucem reductos, Græcorum nemo Politica Aristotelica illustravit, vero est simile, à Philosophis curam Politicæ prudenter tandem fuisse alienam. Eoque præplacet, Politicam cathedram fuisse occupatam à Rhetoribus illis qui Scholam habuerunt in causis Generis deliberativi: cujusmodi sunt declamationes Dionis Chrysostomi cum pri-mis & Libanii.

Gg

Hera-

Hereditatis Platonicae nomine venisse illa tempestate proventus horum Platonicorum, quales illi erant sensim audi multorum liberalitate, per est verosimile. Verba Suida huc pertinentia jam tum Supplemento *septimo* adduximus.

Synesio potius credendum esse quam Zosimo de Athenarum infortunio quod ab Alarico & Gothis fuerunt passa, penè vacat cubio. Synesius enim ipsa illa vixit ætate, Zosimus postea demum, homo idololatra. Sed & Claudi nus ejusdem ætatis Poëta magnus i. e. in Ruffinum de Gotlica illa in Græciam irruptione disertè ait:

Nec fera Cecropias traxissent vincula matres.

Quò videtur facere etiam hoc, quod ne quidem Geographus ille quem Jacobo Gothofredo debemus, Athenas celebri et melioris doct: in æ Scholæ nomine. Cum post autem Proclus & Marinus aliique Philosophiæ magistri ibi docuerint, iterum aliqua laude restoruisse Scholam etiam illam Philosophicam, liquet. Idem colligere est ex Theophrasti, Aenea Gazæ dialogi, primordio, ubi legitur, volunt illuc quidem profici sci Axitheum, non Alexandriam tamen. Ceterum Justiniano imperante videtur illa schola sensim unâ cum aliis exspiravisse. Non enim ulla ejus laudatio post tempestatem istam usquam meo oratur: et si Procopius Caſariensis ~~περισυνάτον ταῦτα~~ 14. renovatam ilam urbem nonnihil à Justiniano prodidit.

Qualis superiore seculo fuerit Athenarum infelix status, discere est ex Turcogræcia Crusi pag. cum primis 46. 95. 430. & 461. Claudemus narrationem verbis Cretenis Philoophi doctissimi Danielis Furlani. Is enim in suis *Annotacionibus* ad Theophrasti Ereti librum de Signis pluvia-

pluviarum & ventorum, ad Maximum Margynium Cytheræ Episcopum in hæc verba est præfatus. In infelici illa Gracia, que barbaries! que signavia! Felix illa ingentorum magister & altrix, que literas omnibus pene populis tradidit misere devastata, barbarorum mores legesq; suscepit: literas autem non amisit modo, verum & illam cœli temperiem, que vetera producet ingenia, infelicissimam experitur. Itaq; Athenis ipso, imo in Athenarum ruderibus arg reliquiis, vix invenias qui nō sit legere: in tota Gracia pecudes verius esse dicas quam homines. Ac fuit sane tempus, cum sub priscorum Paleologorum auspiciis in Peloponneso, ubi maxima fuit illorum Principum auctoritas, ceperunt literas revivescere. At Byzantio capto, Peloponnesoq; urbi, bu & captis & dirisis, eandem & illa infelicitatem experta est quam reliqua Gracia.

SUPPLEMENTVM XVI.

Ad pag. xxii.

IN hisce literis quondam maximus Thomas Reinesius l. 3. variar. lection. c. XI Olympii Archiatri facta mentione, ita scribit pag. 519: Iste quod Constantinopoli arzes proficeretur (hoc autem erat archiatriorum) Sophista vocatur ab Aëtio stir. 3. sect. 3. cap. 29. eis tribuntur compositio quedam ad vesicam exulceratam. Verum videtur eorum oblitus quæ paulò ante & recte quidem de Archiatriorum officio præmisserat. Et vero artem medicam facere Archiatri est, non autem docere. Nec inter Constantinopolitanos Professores receptum quenquam qui Artes medicam docuerit, liquidum est ex iis quæ adduximus Codicis verbis. Sophista igitur qui Aëtio audit Olympius, aut aliis fuit ab illo Archiatri, aut etiam ille docuit Artes Medicam Alexandriæ: qui unus locus scholam habuit quondam sub Cæsaribus Medicæ arti consecratam.

Gg 2

SVP-